

ურთიერთთანამშრომლობის მემორანდუმი

სსიპ - ბათუმის ხელოვნების სასწავლო უნივერსიტეტსა და

სსიპ - აჭარის კულტურული მემკვიდრეობის დაცვის სააგენტოს შორის

ქ. ბათუმი

24 აპრილი, 2023 წელი

პრეამბულა

ერთი მხრივ, სსიპ - ბათუმის ხელოვნების სასწავლო უნივერსიტეტი (შემდგომში „უნივერსიტეტი“), წარმოდგენილი რექტორის, თეიმურაზ კეჭერაძის მიერ და მეორე მხრივ, სსიპ - აჭარის კულტურული მემკვიდრეობის დაცვის სააგენტო (შემდგომში „სააგენტო“), წარმოდგენილი დირექტორის მოვალეობის შემსრულებლის, ზაურ ახვლედიანის მიერ, ორივე ერთად „მხარეებად“ წოდებული, უმაღლესი განათლების ხელშეწყობის, სწავლებისა და პრაქტიკის ინტეგრირების, ერთობლივი ღონისძიებების, პროექტებისა და კვლევების დაგეგმვისა და განხორციელების მიზნით თანხმდებიან თანამშრომლობაზე.

ურთიერთთანამშრომლობა ხელს შეუწყობს:

- შემოქმედებითი მუშაობის, სამეცნიერო კვლევებისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- სტუდენტების კვალიფიკაციის ამაღლებას;
- გამოცდილების გაზიარებას და პროფესიული უნარ-ჩვევების ჩამოყალიბებას;
- სტუდენტთა პროფესიულ პრაქტიკას;
- ერთობლივი პროექტების მომზადებასა და განხორციელებას;
- ერთობლივი ღონისძიებებისა და ერთობლივი კვლევების დაგეგმვასა და განხორციელებას;
- ცალკეული მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას.

მუხლი 1

- 1.1. მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით.
- 1.2. მხარეები წინასწარი შეთანხმების საფუძველზე გამოიყენებენ ერთმანეთის მატერიალურ-ტექნიკურ და ინტელექტუალურ რესურსს მომერანდუმის მიზნების მისაღწევად.

1.3. მხარეები ერთმანეთს გაუწევენ კონსულტაციებს, განახორციელებენ ერთობლივ სამეცნიერო და შემოქმედებით პროექტებს, მოამზადებენ ერთობლივ სიმპოზიუმებს, კონფერენციებს, მასტერკლასებს, ტრენინგებს, საჯარო ლექციებს, სემინარებს და სხვადასხვა სახის ერთჯერად პროექტებს.

1.4. მხარეები უზრუნველყოფენ სხვადასხვა სახის სამეცნიერო, შემოქმედებითი და კულტურული ღონისძიებების განხორციელებას.

1.5. მხარეები ურთიერთშეთანხმებით მონაწილეობას მიიღებენ საგანმანათლებლო პროგრამების შემუშავების პროცესში (ინფორმაციის გაცვლა, მეთოდური დახმარება და სხვა.) აკადემიური პროგრამების პრაქტიკასთან დაახლოებისა და კომპეტენციების ჩამოყალიბების მიზნით.

1.6. სააგენტო საკუთარი შესაძლებლობების ფარგლებში უზრუნველყოფს უნივერსიტეტის სტუდენტების პრაქტიკის გავლასა და კურსდამთავრებულთა სტაჟირებას.

1.7. უნივერსიტეტი პრაქტიკის დაგეგმვის დროს გაითვალისწინებს:

ა) პრაქტიკის ობიექტში სტუდენტთა მაქსიმალური ოდენობა არაუმეტეს 15 სტუდენტისა ერთი სემესტრის განმავლობაში;

ბ) პრაქტიკის ხანგრძლივობა არ უნდა აღემატებოდეს სასწავლო კურსით დადგენილ ვადას;

გ) პრაქტიკის მიზანია სასწავლო პროცესში მიღებული თეორიული ცოდნის განმტკიცება, ახალი კომპეტენციებისა და პრაქტიკული უნარ-ჩვევების გამომუშავება;

დ) პრაქტიკის კონკრეტული ვადები განისაზღვრება მხარეებს შორის მოლაპარაკებით უნივერსიტეტის შესაბამისი წერილობითი მიმართვის საფუძველზე.

1.8. სააგენტო თავისი უფლებამოსილებისა და შესაძლებლობის ფარგლებში მონაწილეობას მიიღებს უნივერსიტეტის მისიის, სტრატეგიული განვითარებისა და სამოქმედო გეგმების შემუშავების, შრომის ბაზრისა და სხვა კვლევების პროცესში.

მუხლი 2

2.1. წინამდებარე მემორანდუმში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით.

2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.

2.3. მხარეები აძლევენ ერთმანეთს გარანტიას, რომ ისინი კეთილსინდისიერად შეასრულებენ წინამდებარე მემორანდუმით გათვალისწინებულ პირობებს.


მუხლი 3

3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციებისა და მოლაპარაკებების გზით.

3.2. მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.

3.3. მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

სსიპ - ბათუმის ხელოვნების
სასწავლო უნივერსიტეტის
რექტორი, პროფესორი



თ. კუჩერაძე



მის.: ბათუმი 6000, ზ.გორგილაძის/
ვაჟა-ფშაველას №19/32
საიდენტიფიკაციო კოდი: 245628496
ტელ.: +995 551 21 75 77
ელ.ფოსტა: info@batu.edu.ge
ვებ.გვ: batu.edu.ge

სსიპ-აჭარის კულტურული
მემკვიდრეობის დაცვის სააგენტოს
დირექტორის მ/შ



ზ. ახვლედიანი



მის.: ბათუმი გუდიაშვილის ქ. 4
საიდენტიფიკაციო კოდი: 245631455
ტელ.: 0 422 225 603
ელ.ფოსტა: info@ajaraheritage.ge
ვებ.გვ: ajaraheritage.ge